

**TADAU-MINGGU' KODUVO NGOPOD OM TOHU**  
**ID TIMPU' TOOMOD**  
**TOUN B**

8 - 9 - 2024

---

**II TUHAN II MONGUAMA' TAVAAVASI'**  
**DO SAVIAVI' KONUNU**

*Tadau baino mamalamai tokou do 'koimazaan taiso-gontob' dotokou montok di Tuhan ii au' momihi' do ningkokoton do tuhun ngaavi', nga' mamadadi dii tangasampit do puavang id kotumbazaan, dii nongobongo do koongou om dii nongobobou do koboos.*

**HOZOU KOSUANGAN**

*Ps 118:137,124*

Otuhiid ko, Oi Tuhan, om kopombisalaan Nu pointunud; toguvango' no ii suupu Nu id kotonudan miampai koginavaan Nu tobinsianan.

**SAMBAYANG-TONIIBO-KOPONIMPUUNAN**

Oi Kinoingan, ii-iisai do otobus zikoi om kotoimo do kogompizan, intong no do ounsikou-kozo doid tanak-kusai ngaavi' om tanak-tondu' ngaavi' koginavaan Nu, do sontob dii otumbazaan id Kristus monoimo nodaa do kagabasan totopot om tungkus otogui aiso-kopupuson. Maza' di Tuhan za Jesus Kristus, Tanak Nu, ii mamaamasi om momolinta' miampai Diau id dii

kopiisaan di Spiritu Tobitua, Kinoingan, montok  
sohihinaid aiso kopupuson.

**S.** Amen.

## **PAMBASAAN KOISO'**

### **Pambasaan mantad di profeta Isaiah 35:4-7**

Booso' doid saviavi' ginavo tomunggang,  
'Katama' no! Kada' koosizai.

'Bio', i Kinoingan diozu mikot no,  
mikot o kopomohusian,  
ii ukum-pomohusi' di Kinoingan;  
mikot Isido do manampasi diozu.'

Dadi' ii mato ngaavi' dii nongobohou ukabon mai',  
ii tohingo ngaavi' dii nongobongo iduan-kaput,  
dadi' ii nokimpo' tumindak mai' miaga tambang  
om ii diha' ngaavi' dii nongobobou humozou  
montok kaandakan;

tu' vaig sumomput id dii kotogisan,  
hokos tongoniini' id dii tana-kapazan,  
ii tana' nokoing dumadi do botung-tagazo,  
ii tana' nagaang tovud ngaavi' do vaig.

Ii boos di Tuhan.

**S.** Kotohuadan doid di Kinoingan.

**HOZOU KOSIMBAAN** (HOZOU-KAPAAZAAN KO-145:7-10.R.V.1)

**S. Oi koduuduvo ku, panaak no do kaazaan doid di Tuhan.**

*toi'* **Alleluia**

1. I Tuhan no ii popotihombus do kotumbazaan  
do sohihinaid aiso kopupuson,  
ii otuhid doid dii angasatahan.  
Isido no ii manaak do louti doid di houson,  
ii Tuhan, ii papahapas dii songintolungku'. **(S)**
2. I Tuhan no ii popokito dii nongobohou,  
ii monungag dii nongokohuku',  
ii Tuhan, ii guminavo dii tongotuhid,  
ii Tuhan, ii mongumohig dii songkosuvazan. **(S)**
3. Kakaton di Tuhan ii tondu-napatazan-sansavo  
om dii tanak-napatazan-Mohoing,  
nga' manahob dii vazaan dii tangalaat.  
Momolinta' mai' i Tuhan do sohihinaid aiso  
kopupuson,  
Kinoingan di Zion, do maamantad po  
om sohihinaid. **(S)**

## **PAMBASAAN KODUVO**

### **Pambasaan mantad dii suat di Sangti James 2:1-5**

Oi tobpinai ku ngaavi', kada' kinam popiamung do kotumbazaan id di Jesus Kristus, Tuhan dotokou nabantug, miampai dii kapanaadaan do pisuvazan ngaavi' id piahatan do ningkokoton ngaavi' do tuhun ngaavi'. Do baabaino nung songuhun mikot doid synagogue diozu, avanus kozo do nabasaan om miampai pionsinsing do sinsing amas, om ontok ii timpu' dii ponogi' do songuhun tuhun tasampit sumuang, id basaan ngaavi' nagansai, om intangan diozu ii tuhun nabasaan-tavaavasi', om moboos kou, 'Ikot maza' duutia kumaa' doid dii tiikoon ngaavi' tavasi' kozo'; dadi' biisaan diozu ii tuhun tasampit, 'Ingkakat duhia' toi' 'Kavasa' ko miikau do id dii hisiu id doos dii poundaangan-hapap ku.' Au' kou naku kokito do nokopomoguno kou do duvo ningkokoton misuvai id pomusaavan diozu, om minamadadi diozu sondii' do mombibisala' ngaavi', om mombibisala' ngaavi' susuapan do id dino?

Pokinongou, oi tobpinai ngaavi' koginavaan ku; ii i' ngaavi' angasampit tumanud doid di pomogunan ii pinihi' di Kinoingan, do dumadi do puavang id kotumbazaan om dumadi do tumungkus ngaavi' doid dii pomolintaan ii pinabatos Disido doid dii guminavo ngaavi' Disido.

Ii boos di Tuhan.

**S.** Kotohuadan doid di Kinoingan.

**KAPAABALAN DII ABAL-TAVASI'** *1 Sam 3:9; Jn 6:68*

Alleluia, alleluia!

Poboos no, oi Tuhan, poingongou i suupu Nu:

kivaa do Diau dii abal do koposizon selajul.

Alleluia!

*toi'*

*Cf. Mt 4:23*

Alleluia, alleluia!

Pinaabal di Jesus ii Abal Tavasi' dii pomolintaan,

om minomohingos do saviavi' kavo do toluo

do id tuhun ngaavi'.

Alleluia!

**ABAL-TAVASI'**

**Pambasaan mantad dii Abal-tavasi' tobitua sinuat  
di Mark 7:31-37**

Guminuhi' mantad dii uvang do Tyre, minaza' i Jesus do Sidon kuminaa' ponong dii Daat do Galilee, tuutulus duminaapas dii uvang Decapolis. Om novitan dioho' Isido do songuhun kusai bongohon ii kivaa katabon id poboboos dau'; om sinuu' dioho' Isido do papaampam dii pahad Dau' doid disido. Novit Disido isido do uminivad id tohosok, poinginsodu' mantad dii tinimungan-tuhun, posusuko' ii tuntuu' ngaavi' Dau' doid tohingo ngaavi' dii tuhun om kinama' ii diha' dau' miampai duha'. Dadi' tuminingaa' doid tavan minongonsu Isido; om minoboos Isido doid disido,

`Ephphatha,' ino nopo nga, `Ukab no.' Om noukab ii tohingo ngaavi' dau', om ii tuat-kuhavut dii diha' dau' nga' nouzad om minoboos isido do atalang-kozo. Om sinuu' di Jesus izioho' do kada' popoiho diisai-isai do kokomoi dii, nga' do hobi do minogodu kozo Isido, hobi nogi' dii do pinotongkop kozo dioho' ii do papaabal. Koimazaan dioho' nopo nga' au-miho-ipoon. `Noimaan Disido o saviavi' konunu do avasi' kozo,' ka dioho' do minoboos `dodizon Disido do koongou ii bongohon om ii nobobou koboos.'

Ii Abal-tavasi' di Tuhan.

**S.** Kaazaan doid Diau, oi Tuhan za, Jesus Kristus.

*Booson ii Otumbazaan zou.*

## **SAMBAYANG DO ID DII TITAAK NGAIVI'**

Oi Kinoingan, ii manaak dagai dii taak do sambayang totopot om do pibabasan, kaanangai-kozo no do manaak do maza' diti taak, koimang zikoi nodaa do kapamantangan kosudong doid ko-laja-an Nu poin-kinoingan om, maza' do maagi do dii mistirium tobitua, ongouhi-kozo zikoi nodaa do osompuu id pomusaavan om ginavo. Maza' di Kristus Tuhan za.

**S.** Amen.

## **PREFACE KO-VII DII TADAU-MINGGU' NGAAVI' ID TIMPU' TOOMOD**

Kopomasizan maza' dii kobingimazaan di Kristus

Totootopot do kotunud om otuhid iti, kalaja' za om kopomasizan za, tomoimo om id-nombo-noopo do manaak Diau do koponongkotohuadan ngaavi', Oi Tuhan, Tama' tobitua, Kinoingan tavakas-kozo om aiso-kopupuson.

Tu' guminavo Ko kozo di pomogunan do id kosianan Nu pinougadan zikoi Diau di Mononobus, do mamaamasi miaga dagai do id saviavi' konunu nga' douso po, mooi do kaanu Ko guminavo id dagai do nunu ii gininavo Nu id di Tanak Nu, ii maza' diisai o kobingimazaan do nokotonduhi' zikoi doid sontob dino Diau do taak do, maza' do momidouso, natagak za id au-kobingimazaan.

Om ingkaa no, oi Tuhan, miampai saviavi' dii Tasab ngaavi' om Sangti ngaavi', izikoi, ponogi', nga' manaak Diau do koponongkotohuadan ngaavi', miaga do id kounsikaan-tagazo mangazou zikoi:

***Obitua, Obitua, Obitua....***

## **HOZOU KOSOMBUTAN**

*Cf. Ps 41:2-3*

Miaga dii tambang ii mobpiumon montok hokos ngaavi' muuhuzung, ingkaa no i koduuduvo ku do mobpiumon montok Diau, oi Kinoingan, i koduuduvo ku tutuuvan montok di Kinoingan, ii Kinoingan poimpasi.

*toi'*

*Jn 8:12*

Izou no ii babang di pomogunan, ka di Tuhan; isai-noopo ii tumanud dogo' nga' au' i' mamanan id totuvong nga' kivaa i' dii babang do koposizon selajul.

## **SAMBAYANG OPONGO KOSOMBUTAN**

Panaak no mooii do i ongouhi doiid Diau, Oi Tuhan, ii noinvaguvan om noonuan Nu do koposizon maza' do takanon di Boos Nu om Sakramentum doun-surga, kaanu daa do kounalan maza' di titaak ngaavi' tagazo di Tanak Koginavaan Nu mooii do kaanu zikoi no daa do baagi selajul di koposizon Disido. Ii mamaamasi om momolinta' montok sohiihinaid aiso kopupuson.

**S.** Amen.

## **BALAKAT**

Ii balakat di Kinoingan tavakas-kozo, i Tama', om i Tanak, ✠ om i Spiritu Tobitua, sumondot nodaa do id diozu om tumimpon miampai diozu sohiihinaid.

**S.** Amen.